

上自餘並准二位四位。漆地緇形櫛形押鬘玉座皆金裝自餘銀裝以赤玉五顆綠玉六顆交居冠頂以白玉十顆立前押鬘上以青玉十顆立後押鬘上。不立櫛形上正五位漆地銀裝以黑玉十顆立前押鬘上以青玉十顆立後押鬘上自餘准四位其徽者鳳三位已上正位正立仰頭從位正立低頭正四位上階左出右向下階右出左向從四位上階左出左顧下階右出右顧五位准四位諸臣一位以紺玉八顆立櫛形上自餘並准王一位玉色交居王臣各異二位以綠玉五顆白玉三顆赤黑玉三顆交居冠頂以赤玉八顆立櫛形上自餘准一位三位以黃玉八顆立櫛形上自餘准二位四位以赤玉六顆綠玉五顆交居冠頂自餘准王四位五位以綠玉五顆白玉三顆赤黑玉三顆交居冠頂自餘准王五位其徽者麟正從出向皆准諸王

〔延喜式二十八人〕凡元日略中等儀官人二人史生二人率大衣二人番上隼人廿人今來隼人廿人白丁隼人一百三十二人分陣應天門外之左右略其官人著當色橫刀大衣及番上隼人著當色橫刀白赤木綿耳形鬘自餘隼人皆著大橫布衫襟袖著兩面襪布袴著兩面襪緋帛肩巾橫刀白赤木綿耳形鬘番上隼人已上橫刀

私備執楯槍並坐胡床

〔延喜式三十六〕正月元日燒香史生左右各二人其禮服者冠袷袍表緋裏白下襲袷衣表緋裏白白袴帶鼻切履

執威儀物殿部左方十一人一人執梅杖二人紫繖三人紫蓋二人菅繖三人菅蓋右准此其裝束各黃

帛袷袍一領並一備之後隨破請替

〔延喜式三十八〕元日供奉威儀掃部二人分列左右其裝束人別黃帛三丈帛三丈白袴一腰布帶一條

隨損請換

〔延喜式四十三〕朝賀儀略中其日依時刻傳以下諸侍從內舍人各著朝服參詣共候東宮駕輦以下出

帶刀舍人服上儀服被甲脚纏末額列立前後左右兵衛尉志各率兵衛陣列門外立前後至東廊外降

輦就次著禮冠若未冠者則雙童髻禮服帶劔又謁者著禮服略